



Saksframlegg

Saksnr:	Utval:	Dato
	Heradsstyret	
Sakshandsamar:	Samfunnsutvikling	Hege Eeg
Avgjerslemynde:		Arkivnr.: 22/37
		Klassering:

Orientering om anskaffingsprosessen for busslomme m.m. i Valestrand

Rådmannen sitt framlegg til vedtak:

Heradsstyret tek orienteringa til vitande.

Saksopplysningar:

Bakgrunn

Kommunen har i mange år arbeidd med å få til ei løysing med busslomme ved Valestrand skule saman med Fylkeskommunen i Vestland. Den første løysinga var først godkjend av Statens vegvesen. Når prosjektet skulle igangsetjast, aksepterte ikkje Statens vegvesen løysinga og kommunen måtte omprosjekttere. Dette har teke lang tid grunna kapasitet hos prosjekterande føretak. Etter ferdig prosjektering, måtte ein gjere avtalar med grunneigarar.

Prosjektet var endeleg prosjektert og klart til anskaffingskonkurranse primo november 2021. Det blei kunngjort ei konkurranse med frist 17.12.21. Diverre måtte kommunen avlyse konkurransen. Dette skuldast for dårleg kvalitetssikring og delvis mangel på kompetanse. Kvaliteten på råda kommunen fekk frå prosjekterande konsulent, kunne ha vore betre. Samstundes var det ikkje sett av tilstrekkeleg med ressursar til å gjennomføre dette prosjektet. Dette førte til feil i konkurransegrunnlaget og urettmessig strenge krav til tilbydarane. Dette gjorde at enkelte bestemmingar i regelverket for offentlege anskaffingar blei broten. Som følgje av dette måtte konkurransen avlysast. Konsekvensane av avlysinga, er at heile prosjektet vert utsett og det førar til meirarbeid for administrasjonen og prosjekterande konsulent. Konkurransedokumenta må reviderast og feil rettast før konkurransen kan leggjast ut på nytt. Slik prisane er i marknaden for bygge- og anleggsmaterialar, kan ein seie med stort sannsyn at prisane vil verte høgare. Kommunen kan og risikere å få færre tilbod grunna avlysinga.

Kommunen har motteke krav om erstatning frå ein av tilbydarane. Dette er under handsaming og kommunen nyttar advokat til å handtere saka frå kommunen si side. Det som er kravd er dekning av den positive og negative kontraktsinteresse. I tillegg må kommunen dekke egne kostnader til advokat. Sidan kravet er under handsaming, er det ikkje råd å gi anslag på kor mykje dette kan utgjere.

Vurdering

Eit viktig læringspunkt er å ha kvalitetssjekk på dokumenta før dei vert lagt ut offentleg. Det må setjast av tilstrekkeleg med ressursar før ein set i gong. Vi må følgje opp prosjekterande konsulentar og sikre at det som står i dokumenta er korrekt og av god kvalitet. Kommunen treng

kompetanseheving på offentlege anskaffingar. Rådmannen vil vurdere korleis ein kan bli betre på fagområdet.

Konklusjon

Ein vil lære av desse feila og gjere det betre neste gong. Konkurransedokumenta vil verte retta og ny konkurranse kunngjort i nær framtid på Doffin .

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost